



轉夜（北四縣腔）

烏烏暗暗个身影
同偈做伴共下下班
有成時佢佇頭前偈佇背後
有成時堵堵好調換
偈同影仔搞園人尋
搞到毋記得日時頭个煩勞

習涼个風吹啊過來
異像腳步也輕～輕～輕 會跳舞
路脣草竇肚个蟲仔 唧～唧衰
同偈搵唱歌仔伴奏 搵鬧熱

臥起頭那 唉～哦～
該麼人樓棟頂高个電火
仰半夜哩還點到光～華華仔
恁～毋知好惜 恁～折福
看真啊

啊 原來係像圓盤恁圓个月光得俵哩
雪白入軟个雲 薄～薄仔
這一層 該一搭佇夜空
跔等風飛 輕～輕仔徒步 輕～輕仔散忒
像阿姆盡～溫柔 盡～輕个手
掌忒吾心肝頭項个虐削同慍卒
定～定仔 定～定仔
毋多知仔
吾嘴角震動一下
笑出來吔
心肝七蠶蠕(nid⁵ nug⁵)一下
原～來
有～涼風 有～月光
同偈做伴共下下班轉夜
偈～乜係有福氣个人

創作理念

苦難折磨人的同時也常激發出人們內心幽微深處的心思。

二〇〇八年五月十二日四川大地震，雖離臺灣甚遠，但強大的威力，悲慘的畫面總也不時縈繞心頭。尋常的日子裡，也許我們抱怨物價高漲而薪水不動如山……也許我們總是坐這山望那山，慾望永遠難滿足……

那一夜，五月的晚風還帶涼意，晚上下班踽踽獨行的身軀，驚見相伴拖長的身影忽焉在前繼而在後，放空了貪求意念竟覺冗長的上班在下班的這一刻有趣多了……

放鬆心情但覺簡單平安就是富足。於是，有了詩的雛型。

註：作品中「～」表客家口語的牽聲。

陳美蓉

客家電視臺語言管理師